



UNIVERSITÄTS-  
BIBLIOTHEK  
PADERBORN

# Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel XXII. Hoe B. Henrick Nouitius leecke-broedet afghevallen is.

---

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

volen dat sy te vreden souden zijn met stil te swijghen / oft alst van noode ware simpelijck het ghe-  
looue te belijden / sonder voorzder teghen de ketters  
met eenighe woorzen te twisten. Nochen heeft oock  
niet toe-ghelaten dat dese souden bliuen inde leste  
slagh-orden (om soo te spreken) daer sy mette woor-  
zen vande ketters daer by staende lichtelijcker sou-  
den ghevanghen worden / maer hy stelde-se in't  
midden vande slagh-orden / nemende selue heur-  
lieder saecke op hem ende veur heur-lieden andt-  
woordende. Want soo wanneer als de ketters hen  
tenterende vzaeghden / oft sy wel souden willen den  
Paus verlaecken / moghten sy daer veur hun leuen  
bewaren (welcke tentatie seer dick-wils den cranc-  
ken veur-gheschoten wierdt) P. Picasius met sijne  
andwoorde hen veur-comende seyde: Heen-sy / sy  
en willen niet / sy en sullen't niet doen: sy en sul-  
len dat nemmermeer toe-laten: sy willen met ons  
leuen ende steruen. Dese ende dier-ghelijcke din-  
ghen zijn all-doen van dien man ghesproken ende  
ghedaen gheweest.

## CAPITTEL XXII.

Hoe B. Henrick Nouitius leecke-broeder af-  
ghevallen is.

**D**An al wast saecke dat in dit veur-seyde stuck  
vanden seluen P. Picasius seer groote neer stig-  
hepdt is ghedaen gheweest / daer hem oock mede  
gheholpen hebben de andere hier bouen ghenoeit /  
en hebben nochtans niet connen beletten / dat  
B. Henrick de alder-ionghste van hen / ende die  
noch niet geprofessiet en was / upt vzeese des doodts  
niet en soude doen dat - men van hem eyschte /  
wilde hy sijn leuen behouden. De welke gebzaeght  
zijnde

zijnde naer synen ouderdom / daer hy acht-thien  
 iaeren oudt was / heeft gheandtwoordt dat hy maer  
 sel-thien iaeren en was / om hen te beter te bewegen  
 tot mede-lydē deur het aen-sien van sijne iongheydt.  
 Ter-stondt dan wierdt hy ghetrocken vande ghene  
 die hem al-dus verleydt hadden upt d' midden van  
 den hoop der ghevanghenen . D'welck de andere  
 Martelaers sijne mede-gesellen seer verdzoten heeft/  
 sonderlinghe P. Hieronymo den Vicarius. Want  
 hy is soo grootelijcks ghestoozt geweest op dien ket-  
 terschen predicant / deur wiens inne-blasen die arme  
 iongh-man soo leelijcken van hen gheweken was/  
 dat als die selue valsche predicant cozts daer-naer  
 P. Hieronymum wilde vertroosten daer hy ter lee-  
 ren op soude gaen / ende hem met eenen vermanen/  
 dat hy adieu soude segghen aende paepsche supersti-  
 tie / ende aendeerden de puere loutere Euangelische  
 leeringhe die hy predikte / ende onder andere als hy  
 de heylighen met Christo regnerende aen-riep/  
 seyde : Dat hy noch Mariam / noch S. Peeter /  
 noch andere aen-roepen en soude / maer God alleen:  
 hy ter contrarien / ghelijck hy hoogher stont opde  
 leere / synen eenen voet opden buyck van dien booset  
 raedts-man ghestooten heeft / ende hem met sulcken  
 geweldt van hem ghestooten / dat hy achter-ouer  
 plat ter aerden is gheballen . Hy sprak daer toe dese  
 woorden : Gact van hier ghy aller-booste der men-  
 schen / instrument des dupuels : want alle dese din-  
 ghen en sprekt ghy niet / maer al dat ghy seght / dat  
 sprekt de dupuel deur uwen mondt : want t'en  
 verdriet my niet ghelijck ghy mepnt / dat ick nu  
 moet steruen . Ende al waer't dock soo dat het my  
 verdzote / ick en soude v veur mijnen trooster niet  
 van doen hebben . Maer t'ghene dat my hertelijc-  
 ken leedt is / dat is / dat ghy dien simpelē onghe-  
 leerden

leerden iongh-man onsen nouicium deur v loofe  
 smeek-woorden deerlijcken bedrogghen en in u-lie-  
 der verbloecht gheselschap ghelockt ende ghetrocken  
 hebt. Voorzds hadden de Geusen beschickt dat de  
 iongh-man verre upt het gheliecht vande Marte-  
 laers soude staen / op dat hy by auenturen deur het  
 aen-sien van hunne vromighepdt ende patientie niet  
 en souden weder-keeren tot t' ghene daer hy af-ghe-  
 weken was. Maer de soldaten deur dit feyt van den  
 Vicarius ende deur sijn woorden gheterghyt zijnde/  
 hebben beginnen teghen hem vele crueelder te zyn.  
 Want ghelijck wy van sommighe verstaen hebben/  
 sy hebben sijn aen-siecht met een mes leelijcken deurs-  
 chzabt. Daer-naer / ghelijck die af-ghewekene  
 iongh-man naer-der-handt heeft vertelt / de tecke-  
 nen van het crups van Jerusalem / die hy als een pel-  
 grim van het hepligh landt opde bozste ende opden  
 rechten arm ontfanghen hadde / soo dat sy sonder  
 het vleesch te quetsen niet en consten upt-ghewischt  
 worden / hebben dese mensche vanden des crupes  
 Christi hem al leuende upt het vleesch ghesneden.  
 De Vicarius dan / ghelijck sy vroom ende aen-  
 dachtigh van herten was / is bliuen sprekende tot  
 ten lesten adem woorden vol aller Godt-vzuchtig-  
 hepdt ende vertroostinghe tot sijne mede-ghesellen.  
 Tselste deden oock als sy steruen souden B. Pica-  
 sius de Minder-broeder / ende B. Nicolaes de Pas-  
 toor. Maer sy spraken vele dinghen in t' Latijn /  
 de welke de Nouicius lecke-broeder ( van wien  
 wy een groot deel van dese gheschiedenissen hebben  
 ontfanghen ) als vande selue tale luttel wetende /  
 niet en heeft connen verhalen des ghevzaeght zijnde.